

Protocol

dalla radunanza communal dils 24 da zercladur 2019, allas 20.15 uras ella halla da gymnastica a Trin

- Il president communal Stefan Cahenzli sa beneventar 78 personas.
- Sco dumbravuschs vegnan Reto Semadeni ed Anita Christoffel elegi.
- La gliesta da tractandas vegn acceptada.

Tractandas:

1. Protocol dalla radunanza communal dils 20 da schaner 2019
2. Approbaziun
 - 2.1) quen annual 2018 vischnaunca e rapport davart l'adattaziun dalla bilanza
 - 2.2) quen annual 2018 OE Mulin
3. Informaziun davart l'introducziun plan da finanzas
4. Sanaziun tschaffada dalla fontauna Trin-Mulin, damonda d'in credit da frs. 300'000.-
5. Aboliziun dalla cumissiun dall'OE
6. Concept da parcar
 - a) Realisaziun concept da parcar, revisiun parciala dil reglament da polizia
 - b) Realisaziun concept da parcar, damonda d'in credit da frs. 165'000.-
7. Surprendida settimanas da fortezia Laseaz
8. Orientaziuns
9. Varia

1. Protocol dalla radunanza communal dils 20 da schaner 2019

Il protocol dalla radunanza communal dils 20 da schaner 2019 vegn acceptaus senza remarclas.

2. Approbaziun

Il quen communal 2018 ei vegnius elavuraus per l'emprema gada tenor il sistem da quen HRM II. Il fiduziari Martin Bundi dil biro "BMU Treuhand AG" ha dau ina survesta da quella adattaziun ch'ei stada colligiada cun biara lavur supplementara.

2.1) quen annual 2018 e rapport davart l'adattaziun dalla bilanza: Beda Capol dil biro "Capol & Partner" presenta il quen 2018. Il quen communal siara cun expensas da 6'932'191.81 francs e cun entradas da 7'192'647.07 francs. Suenter las amortisaziuns totalas da 873'800.00 francs resta aunc in surpli dallas entradas da 99'423.11 francs. Il quen d'investiziun siara cun expensas da 4'861'025.52 francs e cun entradas da 1'784'263.05 francs. Quei dat investizuns nettas da 3'076'762.47 francs. Las investiziuns pertuccan principalmein la construcziun dil niev luvratori forestal, il slagiament dil luvratori communal e la sanaziun dalla via digl Uaul Sura.

2.2) quen annual 2018 OE Mulin: Il president dalla cumissiun dall'OE Mulin, Hanspeter Capatt, presenta per la davosa gada il quen dall'ovra. La cumissiun vegn sliigiada (tractanda 5) e la contabilitad daventa part dil quen communal. Il quen dall'Ovra electrica Mulin per 2018 siara cun expensas da 260'960.69.- francs e cun entradas da 261'718.25.- francs. Sut il streh dat ei in surpli dallas entradas da 757.56 francs. Il quen d'investiziuns siara cun expensas nettas da 16'329.99 francs. Pigl onn da producziun 2018 ei vegniu fatg amortisaziuns da 76'329.99 francs. L'Ovra electrica contribuescha igl onn 2018 162'323.06 francs ella cassa communal, 35'000.- francs tscheins d'aua, 76'565.00 francs dalla concessiun dalla reit e 50'757.56 francs dil gudogn.

Il president dalla cumissiun da gestiun Andreas Riesch declara che la cumissun da gestiun hagi controllau ils quens. El engrazia a tut ils participai per la gronda e fetg buna lavur e propona d'acceptar ils quens. Ei dat negina discussiun. Ils quens vegnan acceptai unanimamein.

3. Informaziun davart l'introducziun dil plan da finanzas

Il plan da finanzas ei in instrument per tener a mistregn las finanzas dalla vischnaunca a mesa ed a liunga vesta. Sco quei che Romedo Andreoli dil biro da fiduziari "BMU Treuhand AG" ha declarau en sia presentaziun duei il plan da finanzas dar ina survesta dil svilup dallas finanzas communalas mintgamai per ils proxims diesch onns. Sper il svilup dallas investiziuns duei il plan da finanzas era dar ina survesta dil

svilup dalla vischnaunca en general. Leutier s'auda era ina survesta dallas entradas ch'ei da spitgar. Il plan da finanzas che vegn actualisau onn per onn vegn suttamess alla radunonza per enconuschientscha.

4. Sanaziun tschaffada dalla fontauna Trin-Mulin, damonda d'in credit da frs. 300'000.-

Ina controlla dalla tschaffada dalla fontauna Trin-Mulin digl onn 2018 ha mussau ch'ei dat differentas munconzas. Igl indrez ei vegls e corrispunda buca pli allas pretensiuns actualas. Il suprastont responsabel Maurus Cafilisch ha presentau la situaziun e dau ina survesta dallas lavurs ch'ei da far. Las lavurs previdas pertuccan la tschaffada (140'000.- francs), il conduct (48'000.- francs) e la punt (112'000.- francs). Ei dat neginas damondas. La radunonza accepta il credit da 300'000.- francs unanimamein.

5. Aboliziun dalla cumissiun dall'OE

Il president dalla cumissiun dall'OE Mulin, Hanspeter Capatt, informescha davart l'aboliziun dalla cumissiun. Entras las midadas dils davos ons seigien las incumbensas dalla cumissiun sereducidas pli e pli fetg, aschia che las incumbensas e la lavur maunchien. Cun la midada duein las incumbensas en connex cun l'ovra electrica vegnir surdadas alla suprastonza communal. Il quen ed il preventiv dall'ovra vegnan integrai el quen communal. Credits pli gronds vegnan suttamess era egl avegnir alla radunonza communal. La radunonza decida unanimamein d'abolir la cumissiun dall'OE Mulin.

6. Concept da parcar

a) Realisaziun concept da parcar, revisiun parciala dil reglament da polizia

Il cau dil departament "segirtad publica ed ambient", Maurus Cafilisch presenta il concept da parcar. La finamira dil concept che vegn suttamess alla radunonza communal per enconuschientscha preveda da scaffir in uorden da parcar che risguarda duront la gronda part digl onn ils basegns da parcar dils indigens e dils hosps. Las consequenzas negativas da parcar per il spazi habitau ed igl ulteriur territori dalla vischnaunca duein vegnir minimai. Sebasond sin la finamira numnada cuntegn il concept diesch finamiras parcialas che duein vegnir realisadas a cuorta, a media ed a liunga vesta. Ils plaz da parcar duein vegnir defini exactamein. Possessurs che parcheschan lur vehichels ordeifer quels plazs defini duein vegnir castigai. Ils detagls, denter auter las taxas ed il cuoz da parcar, fixescha la suprastonza communal. Ina situaziun speciala fuorman la stad ils gis da grond traffic en connex cul menaschi da bogn al Lag la Cresta ed igl unviern ils gis da grond traffic en connex cun las activitads da cuorsa liunga.

b) Realisaziun concept da parcar, damonda d'in credit da frs. 165'000.-

Las empremas mesiras che duein vegnir realisadas pertuccan igl uorden da parcar. Igl ei previu da montar las uras per incassar las taxas da parcar. En quei connex eis ei era previu d'offerir la pussevividad da pagar las taxas entras mieds moderns sco per exempel ina app sil smartfon. Per saver mantener igl uorden necessari drova ei la signalisaziun corrispudenta aschibein per ils plazs da parcar sco era per scamonds da parcar e per zonas cun in scamond da parcar. Entras la montascha d'impediments, crappa ni blocca, duei vegnir impedi da parcar en mintga cantun, quei surtut egl uaul. Per saver realisar quellas mesiras drova ei in credit total da 165'000.- francs.

El decuors dalla cuorta discussiun che suonda dat ei ina proposta concreta. Jörg Prediger propona da reducir il rom ch'ei previu egl artechel 50 digl uorden da polizia per fixar las taxas da 0.50 – 4.- francs (proposta dalla suprastonza communal) sin 0.50 – 3.- francs.

La proposta Prediger vegn refusada cun 14 encunter 61 vuschs.

Ella votaziun finala vegn aschibein la revisiun dils artechels 48 – 52 digl uorden da polizia sco era il credit da 165'000.- francs acceptai senza cuntervuschs.

7. Surprendida settaminas da fortezia Laseaz

La confederaziun svizra ha offeriu alla vischnaunca da sorprender il settaminas da fortezia a Laseaz pil prezi da 1000.- francs cun la cundiziun da surdar quel al museum da fortezia. Sper quei duei la vischnaunca sorprender il terren cun ina surfatscha da 1125 meters quadrat che s'auda leutier per maximalmein 1.- franc il meter.

La radunonza accepta la proposta dalla suprastonza communal da sorprender il settaminas da fortezia ed in credit maximal da 3500.- cun ina cuntervusch.

8. Orientaziuns

Il president communal Stefan Cahenzli presenta il niev menader dalla grupp communala, Gian Spreiter. Luis Casty, il cau dil departament da traffic e construcziun, informescha davart il stan dallas lavurs per sanar il plaz dalla Rezza. Il concept seigi vegnius adattaus sunter la proposta dalla davosa radunonza communal da schar surluvrar il concept. La suprastanza communal hagi surdau quell'incumbensa a Harry Wolfensberger junior ed a Roland Auer. Entras quellas adattaziuns hagian els saviu sbassar il credit da 126'000.- sin biebein 102'000.- francs. Las lavurs duessen esser finidas la fin da settember.

Hans Jakob Telli, il cau dil departament economia publica, fa attent al film ch'igl emettur da televisiun Arte ha realisau a Trin. El center da quei film stat l'Alp Lavadignas cun la muntanera da nuorsas.

Silvia Capatt, la responsabla pil departament scolaziun, cultura e temps liber, informescha che la scola hagi saviu cumprar tablas da preit electronicas e laptops culs daners d'ina donaziun ch'els hagian survegniu.

Sper quei ha ella fatg attent alla meisa da miezgi che la Fundaziun Uaul da muntogna hagi lantschau sco project da pilot pils proxims dus onns. Varga 30 affons seigien s'annunziai.

8. Varia

Sut varia fa Reto Semadeni attent alla situaziun precara e prigususa dall'entrada dalla Via Ruegna ella via cantunala. Il president communal Stefan Cahenzli vul sedrizzar al cantun cun quella damonda.

Fin dalla radunonza las 22.50 uras.

Trin-Mulin, 28-6-2019

Il president communal:

Igl actuar:

Stefan Cahenzli

Johann Clopath